

նշանաւոր օրս այս հանդիսավեհ ողորմածազոյն այցելութեան Օծելոյդ Աստուծոյ յայսմ հետէ առաւել եւս խորագոյնս տպաւորեսցէ ի միտս մատաղ սերնդոց հօտին իմոյ և ամենից Կովկասաբնակ քրիստոնեայ ազանց զհոգի Աստուածպաշտութեան, կրօնասիրութեան և հաւատարիմ հպատակութեան առ զահն Մեծին Ռուսիոյ համաձայն Աստուածային օրինաց:

«Ուրեմն ներեսցի ինձ կրկնել աստանօր զբան մարգարէին Դաւթի, «Տէր պահեսցէ զՔեզ յամենայն շարէ, պահեսցէ Տէր զանձն քո: Տէր պահեսցէ զմուտ և զել քո յայսմ հետէ մինչև յաւիտեանս. ամէն»:

Այս նոցին Մեծութիւնք նստելով՝ Հրաւիրեցին և Վեհափառ Հայրապետին նստիլ իրանց հանդէպ բազկաթուռի վրայ:

Խօսակցութիւնը տեւեց  $\frac{1}{2}$  ժամից աւելի: Յետ այնր Նորին Վեհափառութիւնը այցելեց Թագաժառանգ Նիկօլայ Աղէքսանդրովչին, որ խօսակցութեան միջոցին յայտնեց ցանկութիւն որ մտադիր է այց ելանել սուրբ Էջմիածնին:

Այս խօսքից շատ ուրախացած Նորին Վեհափառութիւնն ասաց.

«Ո՛րքան ցանկալի է ինձ, որ այդ խոստմունքը շուտով կատարուէր, որպէս զի ես անձամբ կարող լինէի Ամենաբարձրելոյն Աստուծոյ օրհնութիւն մատուցանել Քրիստոսաէջ սեղանի առջ Ռուսաստանի թագաժառանգի համար»:

Այս տեսակցութիւնից յետոյ Նորին Վեհափառութիւնը վերադարձաւ վեհարան Յ $\frac{1}{2}$  ժամին: Միւս օրն Նորին Վեհափառութեան այցելեց Նորին Մեծութեան պալատի գլխաւոր արարողապետ իշխան Կօլգօրուկին Հարցնելու Նորին Օծութեան առողջութիւնը:

ՅՕին սեպտ. Նորին Վեհափառութիւնը Հրաւիրեցաւ պալատ բարձրագոյն ճաշկերութի, որից յետոյ՝ Նորին Մեծութիւնը պատ-